

心冥行於萬物之間役智以求識而偶有見焉雖自以爲明而不知至愚之自是始也世之鄙夫樂其有得於下而忘其上故喜薄而遺厚采華而棄實非大丈夫孰能去彼取此道真仁靜先生曹道沖曰禮者束以名教加以恥辱刻意強說僞而失真禮者詐僞而忠信之誠薄矣忠信既薄豈不犯上而姦諂故爲亂之先也不待自然先造智謀預爲機術以在道爲華非真實也亂真役念求明而反愚也大丈夫有道之士也處純厚而棄浮薄絕華僞而居其真實遠者彼也近者此也近者求諸已遠者求諸人不強知他事而自取已真黃茂材曰古今一時也萬物一物也無有前後之異人以智強推測之或得其一二則自矜耀以爲有先見之明而不知其愚莫甚焉何則用智者見物而不見道苟不見道謂之愚可也所謂大丈夫者爲其有高世之見而不徇於流俗者也以禮爲忠信之薄不處而處於厚以前識爲道之華不居而居於實非有高世之見而不徇於流俗者能之乎去彼取此者道也

昔之得一章第三十九

昔之得一者天得一以清地得一以甯神得一以靈谷得一以盈萬物得一以生侯王得一以爲天下貞其致之一也

御註曰莊子曰通於一萬事畢致一則不二抱一則不離守

道藏輯要

道德真經  
彭鶴林集註

五

心集七  
xvii

一則不遷能知一則無一之不知不能知一則無一之能知  
昔之得一者體天下之至精物無得而耦之者故確然乎其  
上者純粹而不離隕然乎其下者靜止而不變至幽而無形  
者神也得一則不昧至虛而善應者谷也得一則不窮萬物  
以精化形故得一以生侯王以獨制眾故得一以爲天下正  
自天下以至於侯王雖上下異位幽明散殊而天之所以清  
地之所以甯侯王之所以爲天下正非他求而外鑠也一以  
致之而已故曰其致之一也

碧虛子陳景元曰一者元氣也莊子曰氣也者虛而得物者  
也唯道集虛又曰虛室生白吉祥止止天者純陽之氣且天

道藏輯要

道德真經  
彭鶴林集註

卷

心集七  
XII

得之故能剛健運動穹窿廣覆垂象清明萬物資始地者純  
陰之質且地得之故能信順柔弱磅礴厚載安甯不動萬物  
資生神者妙萬物以爲言且神得之故能通變無方反覆不  
窮正直靈響應物無盡谷者谿之絕深且谷得之故能氣運  
水注盈滿不竭萬者數之大物者形可見且物得之故能生  
生成成而不歇滅侯王者人主也且侯王得之故能永有大  
寶無思不服而爲天下平正夫上五事能致清甯靈盈生者  
皆由君道正之使然也正者得其沖一之謂也

涑水司馬光曰一者道之子物之祖也故莫不賴之以成功  
以事言之常久不已所謂一也

穎濱蘇轍曰一道也物之所以得爲物者皆道也天下之人見物而忘道天知其清而已地知其寧而已神知其靈而已谷知其盈而已萬物知其生而已侯王知其爲天下貞而已不知其所以得此者皆道存焉耳

陸佃曰入於一道將得出於一道將失一者有無之界也列子曰一者形變之始莊子曰一之所起有一而未形天尊地卑故言天而地次之天地之間虛而不屈動而愈出者不可知之神也故神次之萬物盈於天地之間所以生且死者聽乎神而已故言谷而萬物次之侯王者所以法夫四者而以宰萬物者也故侯王次之

道藏輯要

道德真經  
彭鶴林集註

卷

心集七

達真子曰道之混同則歸於一故得一者得其道之混同者也

陳象古曰一者大道之妙用也致至也至其妙用之理也

葉夢得曰前旣離道爲德以迹觀之蓋析而有二矣恐天下遂認其二而不知其一者未嘗亡也故於是復極言之一者何也莊周曰泰初有無無有無名一之所起有一而未形此道之將判萬物總焉而不能外者也故曰道生一一生二自是而往巧歷所不能算矣其在易自天一而降積之爲天地之五十五衍之爲大衍四十九而所謂一者終藏而不見豈非散於天地萬物之間無往而不在人無得而窺之者歟是

以自天而清至侯王之貞概而論焉未有不得而能立者  
黃茂材曰夫盈於天地之間何可以數計皆不離乎一物始  
於一一卽一也一生二二卽二一也二生三三卽三一也三  
生萬物萬物卽萬一也自此推之至於恆河沙數卽恆河沙  
數一也故知乎一恆河沙數可得而知其致之寧非一乎  
天無以清將恐裂地無以寧將恐發神無以靈將恐歇谷無以  
盈將恐竭萬物無以生將恐滅侯王無以爲貞而貴高將恐蹶  
御註曰天職生覆地職形載裂則無以覆發則無以載神依  
人而行者也歇則無所示谷受而不藏者也竭則莫之應聚  
則精氣爲物得一以生故也散則遊魂爲變失一以滅故也

道藏輯要

道德真經  
彭鶴林集註

畜

心集七  
x 4 =

惟正也故能御萬變而獨立萬物之上無以爲正而貴高將  
不足以自保能無蹶乎

碧虛子陳景元曰無以者致誠之辭也陰陽書曰天裂者陽  
氣之不足君德之衰微也地震者陰氣之有餘臣道之失職  
也已上雖敘天地等事會歸戒於侯王侯王尚爾况黎庶乎  
穎濱蘇轍曰致之言極也天不得一未遽裂也地不得一未  
遽發也神不得一未遽歇也谷不得一未遽竭也萬物不得  
一未遽滅也侯王不得一未遽蹶也然其極必至於此耳  
陳象古曰裂則不全發則不靜歇則不久竭則易崩滅則不  
繼蹶則不安皆失道所致也

葉夢得曰不幸而失之爲裂爲發以至爲蹶雖天地之大亦不能自存也此雖未必然而理則有是故以將言之

黃茂材曰天無一必裂地無一必發神無一必歛谷無一必竭萬物無一必滅侯王無一必蹶不言必而言將恐者是一未嘗無也

故貴以賤爲本高以下爲基是以侯王自稱孤寡不穀此其以賤爲本邪非乎

御註曰賤者貴之所恃以爲固下者高之所自起世之人覩其末而聖人探其本世之人見其成而聖人察其微故常得一也孤寡不穀名之賤者也而王侯以爲稱知所本而已侯

道藏輯要

道德真經 彭鶴林集註

卷之七 心集七

王所以貴高而不蹶其以此乎

碧虛子陳景元曰夫貴者豈可以自貴哉必由賤者所奉然後貴耳高者豈可自高哉必緣下者所戴然後高耳孤寡不穀凡此三者皆人之鄙惡而侯王以爲稱謂者蓋卑以自牧不矜其尊貴若此豈非以賤爲本耶

穎濱蘇轍曰天地之大侯王之貴皆一之致夫一果何物也視之不見執之不得則亦天下之至微也此所謂賤且下也昔之爲此稱者亦舉其本而遺其末耳

陳象古曰是用賤下之道者也自謂孤寡不穀謙之至也易曰天道虧盈而益謙地道變盈而流謙鬼神害盈而福謙人

道惡盈而好謙謙尊而光卑而不可踰君子之終也非乎者不可以爲非也

黃茂材曰夫是一也非特貴者有之賤者亦有之非特高者有之下者亦有之東郭子問於莊子曰道烏乎在曰在螻蟻曰何其下耶曰在稊稗曰何其愈下耶曰在瓦甓曰何其愈甚耶曰在屎溺孤寡不穀未爲賤也

故致數譽無譽不欲瑒瑒如玉落落如石

御註曰自高以勝物自貴以賤物強而不知守以柔白而不知守以黑以求譽於世而致數譽則過情之譽暴集無實之毀隨至所以無譽玉貴而石賤一定而不變聖人乘時任物

道藏輯要

道德真經  
彭鶴林集註

卷

心集七

無所底滯萬變無常而吾心常一是真得一者也故不可得而貴賤孟子曰所惡乎執一者謂其執一而廢百也不欲瑒

瑒如玉落落如石非知化之聖不能及此是謂上德  
碧虛子陳景元曰開元本作故致數與無與者言就數與則有輪轅箱軸等羣材之名無有名爲輿者合之則輿矣就國求之則有士農工商等萬民之號無有名爲國者合之則爲國矣然則忽羣材而輿何以成之棄萬民而國何以存之此重誠侯王之愛民也有道之君不欲顯耀瑒瑒如玉冥心韜光落落如石此能守沖一之道爲天下正者也

穎濱蘇轍曰輪輻蓋軫衡輓轂轄會而爲車物物可數而車

不可數然後知無有之爲車所謂無之以爲用者也然則天地將以大爲天地耶侯王將以貴爲侯王耶大與貴之中有一存焉此其所以爲天地侯王者而或莫之知耳故一處貴而非貴處賤而非賤非若玉之琰琰貴而不能賤石之落落賤而不能貴也

達真子曰致人之以言尚己者謂之譽凡處至貴則有貴之譽處至高則有高之譽且處至貴至高莫不致譽之速數也侯王雖得致速數之譽心得其道之一忘貴而同賤忘高而同下常若其無譽也故曰故致數譽無譽琰琰者玉之貌也落落者石之貌也玉也石也堅確而不易者也玉者貴之譬

道藏輯要

道德真經  
彭鶴林集註

卷

心集七  
XII文

則侯王也石者賤之譬則孤寡也玉之貴也不能同乎石之賤石之賤也不能齊乎玉之貴至道之人得一於心者以至貴同至賤故不欲琰琰如玉以至賤同至貴故不欲落落如石非道之得一於心者孰能與此

黃茂材曰致就也就車數之爲輪爲轂爲衡爲輿無有名爲車者故成爲車此河上公舊說也玉德之美也石質之堅也而不欲如之何也琰琰落落可得而名爾

### 反者道之動章第四十

反者道之動弱者道之用天下之物生於有有生於無

御註曰天下之理動靜相因強弱相濟歛藏於冬而蕃鮮於